



ԵՄ ԲՆԱԿԱՆ ՄԻՈՒԹՈՒՄԸ ՀՅՈՒՄԱՆ ՀԵՄՄԸ
EUROPEAN UNION FOR ARMENIA

EUROPEAN TRUST FUND YEMAZ
الصندوق الائتماني الأوروبي



WITH FUNDING FROM
AUSTRIAN
DEVELOPMENT
COOPERATION



AUSTRIAN RED CROSS



iris

business
incubator



Հայկական Կարիթաս
Armenian Caritas



ԻՐԻՍ բիզնես ինկուբատոր

Հայտադիմումների ընդունում

Ընդհանուր տեղեկատվություն

ԵՄ աջակցությամբ ստեղծված ԻՐԻՍ բիզնես ինկուբատորը հայկական նորաստեղծ կազմակերպություն է, որը սիրիահայ և տեղացի ձեռնարկատերերին տրամադրում է բիզնեսի զարգացման ծառայությունների ամբողջական շղթա, ներառյալ դասընթացներ, քոուչինգ, մենթորինգ, ինչպես նաև ֆինանսավորում՝ դրամաշնորհների և փոխառությունների միջոցով:

ԻՐԻՍ բիզնես ինկուբատորն ստեղծվել է 2019-ին «Հայկական Կարիտաս» բարեսիրական հասարակական կազմակերպության և «ՓՄՁ համագործակցության ասոցիացիա» հասարակական կազմակերպության կողմից՝ «Սիրիահայերի և տեղացիների դիմակայունության բարձրացում» ծրագրի շրջանակում: Ծրագիրը ֆինանսավորվում է Եվրոպական միության՝ Սիրիայի ճգնաժամի արձագանքման տարածաշրջանային ֆոնդի (ՄԱԴԱԴ ֆոնդ), Ավստրիական զարգացման գործակալության եւ Ավստրիական Կարմիր խաչի կողմից:

ԻՐԻՍ բիզնես ինկուբատորի առաքելությունն է նպաստել սիրիահայերի և տեղացիների տնտեսական ինտեգրմանը և բարձրացնել Հայաստանի տնտեսության մրցունակությունը՝ խթանելով նորարարությունն ու ձեռնարկատիրությունը:

ԻՐԻՍ բիզնես ինկուբատորի տեսլականն է դառնալ ազգային բիզնես ինկուբատոր սկսնակ ընկերությունների համար. ինկուբատորի հիմնական խնդիրը կայուն և մրցունակ ՓՄՁ-ների ստեղծումն ու զարգացումն է՝ ձեռներեցներին տրամադրվող բիզնես աջակցության միջոցով շուկա դուրս բերելու նպատակով:

ԵՄ կողմից ֆինանսավորվող ԻՐԻՍ ծրագրի շրջանակում ավելի քան երեք հարյուր ձեռներեց կմասնակցի դասընթացների, նրանցից հարյուր քառասունը ֆինանսավորման հնարավորություն կստանա: Ծրագրի շրջանակում ԻՐԻՍ բիզնես ինկուբատորի դրամաշնորհների ընդհանուր ֆոնդը կազմում է 558,000 եվրո, փոխառությունների ֆոնդը՝ 629,000 եվրո:

Հայտադիմումների ընդունում

ԻՐԻՍ բիզնես ինկուբատորը հայտարարում է հայտադիմումների ընդունման առաջին փուլը SPARK, BUILD և START ծրագրերի համար, որոնք ուղղված են ԻՐԻՍ ԲԻ-ի թիրախային խմբերի, մասնավորապես՝ այն սիրիահայերի և տեղացիների բիզնես նախաձեռնությունների աջակցությանը, որոնք գործում են կամ կգործեն Հայաստանի Հանրապետության տարածքում:



ԵՄ ԲՆԱԿԱՆ ՄԻՈՒԹՅՈՒՆԸ ՀՐԱՏՄԱՆ ՀԱՄԱՐ
EUROPEAN UNION FOR ARMENIA



WITH FUNDING FROM
AUSTRIAN
DEVELOPMENT
COOPERATION



Հայկական Կարիտաս
Armenian Caritas



Ծրագրի առաջին փուլի մասնակիցների ընտրությունն իրականացվելու է Հայտադիմումների ընդունման սույն հայտարարության միջոցով: ԻՐԻՍ ԲԻ-ի հայտադիմումների ընդունման հայտարարությունը գործում է 2019թ. հոկտեմբերի 23-ից, հայտադիմումների ընդունման վերջնաժամկետը 2019թ. նոյեմբերի 30-ն է:

Հայտադիմումները հասանելի են առցանց Facebook սոցիալական ցանցի ԻՐԻՍ ԲԻ-ի էջում՝ <https://www.facebook.com/IRISBusinessIncubator>, ինչպես նաև ԻՐԻՍ ԲԻ-ի հիմնադիր կառույցների կայքէջերում՝ www.caritas.am և www.sme.am:

Հայտադիմումները երկլեզու են՝ հայերեն և անգլերեն: Նշված լեզուներից յուրաքանչյուրով լրացված հայտադիմումներն իրավագոր են և հավասարապես վավեր: ԻՐԻՍ ԲԻ-ը հրապարակել է միաժամանակ ընթացող երեք ծրագրի հայտադիմում՝ SPARK, BUILD, START (ընդհանուր առմամբ հայտադիմումի 6 ձև):

- SPARK ծրագրի հայտադիմումը նախատեսված է ԻՐԻՍ ԲԻ-ի ինքնազբաղված անձանց թիրախային խմբի համար,
- BUILD ծրագրի հայտադիմումը նախատեսված է ԻՐԻՍ ԲԻ-ի ստարտափ թիրախային խմբի համար,
- START ծրագրի հայտադիմումը նախատեսված է ԻՐԻՍ ԲԻ-ի ՓՄՁ թիրախային խմբի համար:

Թիրախային խմբերի սահմանումներ

ԻՐԻՍ ԲԻ-ի ծրագրերը նախատեսված են հետևյալ թիրախային խմբերի համար.

Ինքնազբաղվածներ. ինքնազբաղված են համարվում ՀՀ օրենքով սահմանված տնտեսական գործունեություն իրականացնող ռեզիդենտ ֆիզիկական անձինք կամ անհատ ձեռներեցները:

Ստարտափներ. ստարտափ են հանդիսանում դեռևս պետական գրանցում չունեցող բիզնես նախաձեռնությունները կամ անհատ ձեռներեցները, ինչպես նաև «Փոքր և միջին ձեռնարկության պետական աջակցության մասին» ՀՀ օրենքով սահմանված գերփոքր և փոքր ձեռնարկությունները, որոնց պետական գրանցման պահից չի անցել 3 տարի:

Փոքր եվ միջին ձեռնարկություններ (ՓՄՁ). ԻՐԻՍ ԲԻ ծրագրի շրջանակում ՓՄՁ թիրախային խմբի մեջ են մտնում այն փոքր և միջին ձեռնարկությունները, որոնք գրանցված իրավաբանական անձ են կամ անհատ ձեռներեց, գործում են երեք տարուց ավել և որոնց գործունեությունից ստացված տարեկան հասույթը չի գերազանցում 100 մլն ՀՀ դրամը (մոտ 190.000 եվրո):

ԻՐԻՍ ԲԻ ծրագրերին կարող են դիմել 18 տարին լրացած անձինք՝ սիրիահայեր, տեղահանված այլ անձինք, հայրենադարձներ, վերադարձած միգրանտներ կամ տեղացիներ, ովքեր բնակվում և գործունեություն են ծավալում Հայաստանում:



ԵՄ ԲՈՒՅՈՒՄԱՆ ՄԻՈՒԳՈՐԴԱԸ ՀՈՏՄՍՆԵՐ ՀԵՄՄԸ
EUROPEAN UNION FOR ARMENIA

EUROPEAN TRUST FUND YERAZER
الصندوق الائتماني الأوروبي



WITH FUNDING FROM
AUSTRIAN
DEVELOPMENT
COOPERATION

AUSTRIAN RED CROSS



iris

business
incubator



Հայկական Կարիթաս
Armenian Caritas

Առաջնային ոլորտներ

ԻՐԻՍ բիզնես ինկուբատորն իր ծառայությունները նախատեսում է ավանդական ՓՄՁ ոլորտի համար՝ առաջնայնություն տալով հետևյալ ուղղություններին՝

- **Բիզնեսներ, որոնք նորարար են եւ սոցիալական ազդեցություն ունեն** (դրական փոփոխություններ են բերում մարդկանց մտածելակերպի, մշակույթի, կրթական մակարդակի, շրջակա միջավայրի պահպանության մեջ, աշխատելու հնարավորություն են ընձեռում հաշմանդամություն ունեցող անձանց, միգրանտներին, փախստականներին, հայրենադարձներին և խոցելի այլ խմբերի ներկայացուցիչներին, կամ իրենց բիզնեսից ստացված եկամտի մի մասը սոցիալական նպատակների իրականացման համար ներդնելու միտում ունեն)՝ այդպիսով հանդիսանալով մեծ ներուժ ունեցող սոցիալական ձեռնարկատիրություններ:
- **Ոլորտներ, որտեղ սիրիահայերը առավել լավ կարող են ներդնել իրենց մասնագիտական հմտությունները** (ոսկերչություն, ռեստորանային բիզնես, սննդի և տեքստիլի արտադրություն, կոշիկարություն, աստղադագործություն և այլն):
- **Բիզնեսներ, որոնք նպաստում են ՓՄՁ ոլորտի զարգացման՝ ՀՀ կառավարության ռազմավարության իրականացմանը** (գյուղատնտեսություն, արդյունաբերության և վերամշակում, տուրիզմ):

Բարձր տեխնոլոգիաների ոլորտի ստարտափները չեն հանդիսանում ԻՐԻՍ բիզնես ինկուբատորի առաջնային թիրախային խումբ, քանի որ երկրում արդեն իսկ գործում են մի շարք նախաձեռնություններ՝ ուղղված դրանց աջակցությանն ու ֆինանսավորմանը: Այնուամենայնիվ, եթե տեխնոլոգիական լուծումները միտված են նպաստելու վերոնշյալ առաջնային ոլորտների բիզնես գաղափարների իրականացմանը, այդ ստարտափները ևս կդիտարկվեն:

Մասնակցության պայմաններ

Ընդունելության բոլոր փուլերում բոլոր դիմորդների և մասնակիցների համար կգործեն հետևյալ պայմանները.

- ա. Նախքան հայտադիմումի հանձնումը յուրաքանչյուր դիմորդ պետք է ծանոթանա սույն փաստաթղթին և առանց բացառության ընդունի փաստաթղթում ներկայացված բոլոր պայմանները:
- բ. Հայտադիմումով ներկայացված բիզնես գաղափարն ու նախաձեռնությունը հստակ ձևակերպված է, պատկանում է դիմորդին և հանդիսանում նրա մտավոր սեփականությունը:



ԵՄ ԲՆԱԿԱՆ ՄԻՈՒԹՅՈՒՆԸ ՀՐԱՏՄԱՆ ՀԱՄԱՐ
EUROPEAN UNION FOR ARMENIA



WITH FUNDING FROM
AUSTRIAN
DEVELOPMENT
COOPERATION



Հայկական Կարիտաս
Armenian Caritas



- գ. Դիմորդը հաստատում է, որ որևէ երրորդ կողմ հայտադիմումով ներկայացված բիզնես գաղափարի կամ կոնցեպտի հանդեպ չունի մտավոր սեփականության կամ այլ իրավունք, որը կարող է խոչընդոտ հանդիսանալ դրա իրականացմանը. հակառակ դեպքում թեկնածուն դուրս կմնա ծրագրից:
- դ. Դիմորդը պատրաստ է պայմանագիր կնքել և համաձայն է, որ ԻՐԻՍ բիզնես ինկուբատորի թիմը հետևի և վերահսկի դիմորդի բիզնես նախագծի զարգացման ընթացքը բոլոր փուլերում:
- ե. Ֆինանսավորման փուլ մտած ինքնագրադված անձինք և ստարտափ թիմերը պարտավորվում են գրանցել իրենց բիզնես նախագիծը Հայաստանի Հանրապետության տարածքում՝ որպես անհատ ձեռներեց կամ շահույթ հետապնդող այլ կազմակերպարավական ձևով:
- զ. Ծրագրում ընդգրկված մասնակիցները պարտավորվում են մասնակցել ծրագրային բոլոր պարտադիր բաղադրիչներին, այլապես դուրս կմնան ծրագրից:
- է. Ցանկացած պահի դիմորդը և/կամ ծրագրի մասնակիցը կարող է որակագրկվել և դուրս մնալ ծրագրից, եթե որևէ կերպ մեղավոր ճանաչվի մասնագիտական խարդախության, կոռուպցիայի, հանցավոր կապերի, փողերի լվացման կամ ահաբեկչության ֆինանսավորման, անչափահասների վարձու աշխատանքի կամ մարդկային թրաֆիկինգի այլ ձևերի մեջ:

Ընտրության փուլերը եվ ընտրության չափանիշները

1. Հայտադիմումների ստուգում եւ նախնական ընտրություն

2019 թ.-ի նոյեմբերի 30-ին հայտադիմումների ընդունման վերջնաժամկետի ավարտից հետո ԻՐԻՍ բիզնես ինկուբատորի թիմը կիրականացնի հայտադիմումների նախնական ուսումնասիրություն և ընտրություն: Նախնական փուլի համար կընտրվի մինչև 70 դիմորդ՝ ոչ ուշ, քան դիմումների ընդունման վերջնաժամկետի ավարտից հետո 10 աշխատանքային օրվա ընթացքում: Նախնական փուլ անցած բոլոր դիմորդները կստանան հաջորդ փուլ անցնելու մասին հավաստող էլեկտրոնային ծանուցում, ինչպես նաև ԻՐԻՍ բիզնես ինկուբատորի Ժյուրիի ներկայությամբ բիզնես գաղափարի ներկայացման՝ փիչինգի հրավեր: Այն դիմորդները, որոնք չեն անցնի հաջորդ փուլ, կստանան այդ մասին էլ. ծանուցում ԻՐԻՍ բիզնես ինկուբատորի կողմից՝ դիմումների ընդունման վերջնաժամկետից հետո ոչ ուշ, քան 3 շաբաթվա ընթացքում:

Ընտրության չափորոշիչներ. Հայտադիմումների ընտրությունը կիրականացվի ԻՐԻՍ բիզնես ինկուբատորի թիմի 3 անդամից բաղկացած գնահատողների խմբի կողմից հետևյալ հիմունքներով՝

- ա. Դիմումների մեջ արտացոլված բիզնես գաղափարները պետք է լինեն բիզնես ուղղվածությամբ, այլ ոչ ծրագրային: Հաջորդ փուլ կանցնեն այն բիզնես նախաձեռնությունները, որոնք բիզնեսի ստեղծման հստակ նպատակ ունեն, այլ ոչ ժամանակավոր ծրագրեր են:
- բ. Պատասխանատվություն. Մրցունակ կհամարվեն այն ձեռներեցները, որոնք հանդես կգան հստակ բիզնես գաղափարներով և առավել պատրաստակամ կլինեն դրանք հաջողությամբ իրագործելու:



ԵՄ ԲՆԱԿԱՆ ՄԻՈՒԹՅՈՒՆԸ ՀԱՅՏՍՏԱՆ ՀԱՄԱՐ
EUROPEAN UNION FOR ARMENIA

EUROPEAN TRUST FUND YERAZAY
الصندوق الائتماني الأوروبي



WITH FUNDING FROM
AUSTRIAN
DEVELOPMENT
COOPERATION



AUSTRIAN RED CROSS



iris

business
incubator



Հայկական Կարիթաս
Armenian Caritas



Նախնական ընտրությունը կիրականացվի՝ հիմք ընդունելով հետևյալ բաղադրիչների գնահատումը՝

- բիզնես նախաձեռնության զարգացման աստիճանը.
- շուկայի ներուժը.
- թիմը և իրագործելու կարողությունները.
- մոտիվացիան.
- բիզնես մոդելի վերաբերյալ հստակ պատկերացումը.
- հայտադիմումի ամբողջականությունը:

Եթե դիմորդների բիզնես գաղափարները գնահատման փուլում հավասար միավորներ ունենան, առավելությունը կտրվի սիրիբահայերին և/կամ այն բիզնես նախաձեռնություններին, որոնք ԻՐԻՍ բիզնես ինկուբատորի կողմից առաջնային համարվող ոլորտներում են գործելու:

2. Բիզնես գաղափարի ներկայացում՝ փիչինգ

Ընտրված դիմորդները կհրավիրվեն՝ ներկայացնելու իրենց գաղափարները ժյուրիին, որն իրավասու է վերջնական «այո/ոչ» որոշում կայացնելու:

Գաղափարների ներկայացման օրվա միջոցառումը (Pitching) կկազմակերպվի հայտերի ընդունման վերջնաժամկետից ոչ ուշ, քան 30 աշխատանքային օրվա ընթացքում: Այս ընթացքում նախնական ընտրությունն անցած բոլոր մասնակիցների համար կանցկացվի «Ինչպե՞ս ներկայացնել Ձեր գաղափարը ԻՐԻՍ բիզնես ինկուբատորին» դասընթացը: Դասընթացին մասնակցությունը պարտադիր չէ, սակայն խրախուսվում է:

Գաղափարների ներկայացման ձևաչափը 3 + 7 է (3 րոպե ներկայանալու համար, 7 րոպե՝ ժյուրիի կողմից տրված հարցերին պատասխանելու համար): Արդյունքների մասին մասնակիցները կտեղեկացվեն ոչ ուշ, քան հաջորդ օրը:

Ժյուրիի կազմը եւ պարտականությունները.

Ժյուրին բաղկացած կլինի հետևյալ 7 անդամից՝

- ԻՐԻՍ ԲԻ-ի աշխատակազմից մեկ ներկայացուցիչ
- Մեկ սիրիահայ ձեռներեց
- Երկու անկախ փորձագետ (ձեռներեցության, բիզնեսի աջակցության կամ բանկային/ֆինանսական ոլորտի ներկայացուցիչներ)
- «Հայկական Կարիտաս» ԲՀԿ-ի մեկ ներկայացուցիչ
- «ՓՄՁ համագործակցության ասոցացիա» ՀԿ-ի մեկ ներկայացուցիչ
- Ավստրիական Կարմիր խաչի մեկ ներկայացուցիչ:

Ժյուրիի յուրաքանչյուր անդամի կողմից 1-ից 5 բալային համակարգով գնահատական է դրվելու վերոնշյալ բաղադրիչներից յուրաքանչյուրի, ինչպես նաև գաղափարի ներկայացման որակի համար:



ԵՄ-ԻՐԱՆԱԿԱՆ ՄԻՈՒԹՅՈՒՆԸ ՀԱՅԵՍՏԱՆԻ ՀԱՄԱՐ
EUROPEAN UNION FOR ARMENIA

EUROPEAN TRUST FUND YERAZAY
الصندوق الائتماني الأوروبي



WITH FUNDING FROM
AUSTRIAN
DEVELOPMENT
COOPERATION



AUSTRIAN RED CROSS



iris

business
incubator



Հայկական Կարիթաս
Armenian Caritas



Ժյուրիի անդամները որոշում են կայացնելու դիմորդի՝ ծրագրին մասնակցելու պատրաստվածության և ծրագիր մուտք գործելու համապատասխան փուլի վերաբերյալ՝ գնահատման համակարգի հիման վրա տրամադրելով հիմնավորված մեկնաբանություններ: ԻՐԻՍ ԲԻ-ի ծրագրերին մասնակցելու համար կընտրվի 40 դիմորդ:

Ընտրված դիմորդները կհրավիրվեն մասնակցելու հետևյալ ծրագրերից մեկին.

- **“SPARK” ծրագիր**՝ զարգացման վաղ փուլում գտնվող թիմերի համար, որոնք հնարավորություն կունենան օգտվելու նախաինկուբացիոն ծառայություններից՝ նախատեսված գաղափարը, տեխնոլոգիան և բիզնես մոդելը վավերացնելու համար:
- **“BUILD” ծրագիր**՝ այն թիմերի համար, որոնք ունեն վավերացված բիզնես գաղափար և բիզնես մոդել, և կստանան աջակցություն՝ հավաստի բիզնես և ֆինանսական նախագիծ կազմելու համար:
- **“START” ծրագիր**՝ համոզիչ բիզնես և ֆինանսական նախագիծ ունեցող թիմերի և ձեռներեցների համար, որոնք հնարավորություն կստանան օգտվելու ինկուբացիոն և ֆինանսավորման ծառայություններից:

ԻՐԻՍ ԲԻ-ը հայտադիմումների ընդունման յուրաքանչյուր փուլում կարող է ընդունել մինչև 40 մասնակից՝ 15 SPARK, 15 BUILD և 5 START մոտավոր հարաբերակցությամբ:

3. Ինկուբացիոն փուլ

ԻՐԻՍ ԲԻ-ի ծրագրերից յուրաքանչյուրի համար ընտրված մասնակիցները դառնում են ԻՐԻՍ ԲԻ-ի ռեզիդենտներ և մուտք են գործում ԻՐԻՍ ԲԻ-ի ակադեմիա (մոտավոր տևողությունը՝ առնվազն 3 ամիս, կախված բիզնես նախաձեռնության զարգացման փուլից): ԻՐԻՍ ԲԻ ակադեմիայի ավարտին մասնակիցները հնարավորություն կունենան ներկայացնել իրենց բիզնես պլանները Ժյուրիին (տե՛ս կազմը վերևում): Այն մասնակիցները, որոնց բիզնես պլանները կհաստատվեն Ժյուրիի կողմից, կստանան ֆինանսավորում և հնարավորություն կունենան՝ մասնակցելու ԻՐԻՍ ԲԻ-ի քոուչինգի և մենթորինգի ծրագրերին՝ 6-12 ամիս տևողությամբ:

Այն դիմորդներին, որոնք արդեն իսկ ունեն հավաստի և կենսունակ բիզնես պլան, կստանան հնարավորություն՝ օգտվելու ԻՐԻՍ ԲԻ-ի քոուչինգի և մենթորինգի ծրագրերից և ներկայացնելու իրենց բիզնես պլանները ֆինանսավորում ստանալու համար՝ առանց ԻՐԻՍ ԲԻ ամադեմիային մասնակցելու:

Այն մասնակիցները, որոնց բիզնես պլանները չեն հաստատվի, դուրս կմնան ԻՐԻՍ ԲԻ ծրագրերից:

4. Ֆինանսավորման փուլ

ԻՐԻՍ ԲԻ-ն ֆինանսավորում կտրամադրի ընտրված մասնակիցներին՝ հետևյալ նպատակներին հասնելու համար.



ԵՄ ԿՐԹՈՒՄԵԱՆ ՄԻՈՒԹՅՈՒՆԸ ՀՅՈՒՄԱՆ ՀՅՈՒՄ
EUROPEAN UNION FOR ARMENIA



WITH FUNDING FROM
AUSTRIAN
DEVELOPMENT
COOPERATION



AUSTRIAN RED CROSS



iris

business
incubator



Հայկական Կարիտաս
Armenian Caritas



ա. նպաստել սիրահայերի և տեղացիների տնտեսական ինտեգրմանը.

բ. նպաստել ստարտափների հիմնադրմանը և կայացմանը.

գ. նպաստել ինքնագրաված անձանց կայուն եկամտի ապահովմանը և բիզնես նախաձեռնությունների զարգացմանը.

դ. աջակցել ՓՄՁ-ների զարգացմանը.

ե. ներդրում ունենալ ՀՀ բիզնես միջավայրի զարգացման գործում՝ նորարար մոտեցումների միջոցով աջակցելով ձեռներեցների տարբեր խմբերին:

- SPARK ծրագրի հաջողակ/ընտրված մասնակիցները կստանան մինչև 2.5 մլն ՀՀ դրամի չափով դրամաշնորհ:
- BUILD ծրագրի հաջողակ/ընտրված մասնակիցները կստանան դրամաշնորհի և փոխառության համադրություն մինչև 10 մլն ՀՀ դրամի չափով:
- START ծրագրի հաջողակ/ընտրված մասնակիցները կստանան մինչև 10 մլն ՀՀ դրամի չափով փոխառություն:

Յուրաքանչյուր մասնակցի համար դրամաշնորհի և փոխառության չափը կախված կլինի ներկայացված բիզնես պլանից և դրանում արտացոլված ֆինանսական կարիքներից: Համապատասխանաբար՝ յուրաքանչյուր փոխառության համար կկիրառվի հետվճարման անհատական մոտեցում:

Ֆինանսավորման տրամադրման չափանիշները հետևյալն են.

- մասնակցի (թիմի) համապատասխանությունն ու մոտիվացիան.
- գիտելիքն ու հմտությունները.
- բիզնես մոդելի և բիզնես պլանի որակը.
- շուկայի ներուժը.
- բիզնեսի եկամտաբերությունն ու կայունությունը:

Ֆինանսավորում ստանալու նպատակով յուրաքանչյուր դիմորդի հետ կնքվելու է ֆինանսավորման պայմանագիր:

Փոխառությանը դիմելու համար մասնակիցները պետք է ներկայացնեն ռիսկերի ապահովման հետևյալ մեխանիզմներից որևէ մեկը՝

- երաշխավոր(ներ).
- գրավ.
- բաժնեմասային ֆինանսավորման պատրաստակամություն:

5. Աճի եւ զարգացման փուլ

Ֆինանսավորում ստանալուց հետո ԲԻ-ի ռեզիդենտները ևս 6-12 ամիս հնարավորություն կունենան օգտվել քոուչինգի և մենթորության ծրագրերից՝ կախված բիզնեսի զարգացման փուլից: Նրանք նաև



ԵՄ ԲՈՒՆՈՒՄԱՆ ՄԻՈՒԹՅՈՒՆԸ ՀԱՅԵՍՏԱՆԻ ՀԱՄԱՐ
EUROPEAN UNION FOR ARMENIA

ESF RECONSTRUCTION TRUST FUND ARMENIA
الصندوق الاستراتيجي (الاروبي) "مستاد"



WITH FUNDING FROM
AUSTRIAN
DEVELOPMENT
COOPERATION



AUSTRIAN RED CROSS



iris

business
incubator



Հայկական Կարիտաս
Armenian Caritas



հնարավորություն կունենան՝ օգտվելու ԻՐԻՍ ԲԻ-ի համաշխատանքային (CoWork) տարածքից և լայն գործընկերային ցանցից:

Հետադարձ կապ

ԻՐԻՍ քիզնես ինկուբատոր

12/2 Ամիրյան փողոց, 0010, Երևան, Հայաստան

Հեռ.՝ 011 474724; 044 474724

Էլ. հասցե՝ info@irisbi.am

ԻՐԻՍ քիզնես ինկուբատորի ծրագրերի հայտատիվումների հղումները.

SPARK ծրագիր – Հայերեն լեզվով

SPARK ծրագիր – Անգլերեն լեզվով

BUILD ծրագիր – Հայերեն լեզվով

BUILD ծրագիր – Անգլերեն լեզվով

START ծրագիր – Հայերեն լեզվով

START ծրագիր – Անգլերեն լեզվով